

На стиховне
стихиры праздника самогласны, глас 4
Знаменного роспева

Византиево:

Бар.
Б.

В шес - тый ме - сяц по - слан бысть
ар - хан - гел к Де - ве Чис - тей
и ра - до - ва - ти - ся Ей при - рек,
бла - го - вес - ти из Не - я Из - ба - ви - те - лю
про - и - ти. Тем - же при - ем - ши
це - ло - ва - ни - е, за - чат Тя
Пре - веч - на - го Бо - га, не - ска - зан - но
бла - го - во - лив - ша - го во - че - ло - ве - чи - ти - ся,
во спа - се - ни - е душ на - ших.

На стиховне

стихиры самогласны, глас 4:

В шестый месяц послан быть архангел к Деве Чистой/ и радоватися Ей прирѣк,/ благовестіи из Нея Избавителю проити./ Темже приемши целование,/ зачат Тя Превечнаго Бога,/ несказанно благоволившаго вочеловѣчитися, // во спасение душ наших.

Стих: Благовестите день от дне/ спасение Бога нашего.

Языка, егоже не ведяше, услыша Богородица, глаголаше бо к Ней Архангел Благовещения глаголы: отнюдуже верно приемше целование, зачат Тя Превечнаго Бога. Темже и мы радуящеся вопием Ти: Из Нея воплотивыйся непреложно Боже, мир миру даруй, и душам нашим велию милость.

Стих: Воспойте Господеви песнь нову,/ воспойте Господеви, вся земля.

Се воззвание ныне явися нам: паче слова Бог человеком соединяется, Архангеловым гласом прелесть отгоняется: Дева бо приемлет радость, земная быша небо, мир разрешился первыя клятвы. Да радуется тварь, и гласы да воспоеет: Творче и Избавителю наш, Господи, слава Тебе.

Слава, и ныне, глас тойже:

Андрея Иеросалимита: Днесь радость Благовещения, девственное торжество, нижняя с вышними совокупаются, Адам обновляется, и Ева первыя печали свободяется: и сень нашего существа, обожением приемшаго смешение Церковь Божия бысть. О таинства! образ истощания неведом, богатство благодати несказанно! Ангел служит чудеси: Девича утроба Сына приемлет: Дух Святыи низпосылается: Отец свыше благоволит: и изменение общим творится советом. В Немже и Имже спасешеся, вкупе с Гавриилом Деве возопиим: из Неяже спасение Христос Бог наш, еже по нам приемь естество, к Себе возведе. Того моли спастися душам нашим.

Таже, Ныне отпускаеши. И по Отче наш:

На благословении хлебов тропарь, глас 4

Днесь спасения нашего главизна,/ и еже от века таинства явлѣние:/ Сын Божий Сын Девы бывает,/ и Гавриил благодать благовествует,/ темже и мы с ним Богородице возопиим:/ Радуйся, Благодатная, // Господь с Тобою. (Трижды)

И Буди Имя Господне: с пением, трижды. И чтение праздника.